



Aqqalu C.Jerimiassen  
Atassut

UPA 2023/60 - 1  
2. maj 2023

**Paris-imi isumaqatigiissummut Kalaallit Nunaata nunamut angaassuteqarnera atorunnaarsinneqassasoq aammalu Naalagaaffiit Peqatigiit Silap pissusia pillugu nunani tamalaani isumaqatigiissutaannut, UNFCCC-imut, nalunaarutigineqassasoq, danskit naalackersuisuinut nalunaarutigeqqullugu Naalackersuisut peqquneqarnissaat pillugu Inatsisartut aalajangiiffigisassaattut siunnersuut**

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Nunarsuarput tamakkerlugu silaannaap allanngoriartornera ukiuni kingullerni assut ukkatarineqartuuvoq.

Uagullu soorunami nunatsinni, suliamut tamassumunnga akisussaaqataasinnaansarput suliassaraarputtaaq.

Ukiorpanngortuni nunatsinni malunnaatilimmik sikuusarsimasut sikussaavissortitereersimalerput, aap, ukiorparujussuarni silaannarput allanngorartuarsimavoq, uagulli inuit tamassumunnga sukkalisaataalluarsimaqaagutaaq.

Tamassumallu maanna nunarsuup ilaanittaaq akissarsiutigineqarnera inissaminiessorinangeqaaq, suliniuteqartuunerarlutik naaffeqanngitsumik nunarsuarput tamaat angalallugu jet-imik namminneq timmisartuminnik.

Oqaluinnarnitsigummi silaannaap allanngoriartornera nikisikkunngilarput, soorlumi politikimi neriorsuinerpassuit pileraangata, tamanna allaanerungaarneq ajorpoq.

Parisimili isumaqatigiissutip nunatsinni atuutilersinneqarnissaanut, uani suliame suli nunarput inuussutissarsiornikkut inerisangassarpassuaqartillugu, neriuutigeqaara kalluaassanngilluinnartoq arlaannaatigulluunniit. Soorlu aatsitassarsiornermi allatigullu ilisimatuussutsikkut sulianut aningaasarsiutaasinnaasunut.

Ataatsimiiitsitaliakullu taamaammat sularilluarneqarnissaa pisariaqarpoq.

Uanilu inuussutissarsiornikkut nukissiuutitigullu assigiinngitsut aqqusaarneqarsinnaasut piusussaassammata, qulaajaalluortoqartariaqarmat, Atassummiit siunnersuut Inuussutissarsiornermut aatsitassanullu ataatsimiiitsitaliamut innersuupparput.